

瘍

醫

大

全

傷醫大全目錄

卷三十九

救急部

解救砒霜門主論 附方

救誤服蒙汗藥門主論 附方

救飲鴆酒毒門主論 附方

救誤服銀硝門主方

救誤服水銀門主方

救誤吞五金門主方

救誤吞針門主方

誤吞諸木竹釵門主方

救誤吞磁鋒門主方

解誤服銀粉門主論 附方

解誤服銀硃騰黃門主方

驗中蠱毒門主論 附方

解中斷腸草毒門主論

解中藥毒門主論 附方

解服鹽鹵門主論 附方

中飲食門主論

附方

解燒酒毒門主論

附方

解中煤炭毒門主方

解中閉口椒毒門主方

救誤食桐油毒門主方

救誤吞田螺門主方

救誤吞桃李門主方

救誤食豬骨門主方

救誤吞雞骨門主方

救誤中豬肉毒門主方

救誤吞頭髮門主方

救誤吞蜈蚣門主方

救誤吞螞蝗門主論附方

救誤中蛇虺百蟲毒門主方

解中蜈蚣毒門主方

解中蜘蛛毒門主方

解中蚯蚓毒門主方

解中蠱牛肉毒門主論附方

解中馬肉門主方

解中犬馬肉門主方

解中河豚毒門主論 附方

解食魚中毒門主方

解食黃鱔魚毒門主方

解誤食毒蟹毒門主方

解中蟹毒門主論

解中野菌地蕈靈芝毒門主論

解荳腐毒門主方

解麪毒門主方

解中白菓毒門主方

解中輕粉毒門主方

救六畜瘟疫法

解中櫻桃毒門主方

傷醫大全卷三十九

蕪湖顧世澄練江氏纂輯

精錢之柏康

男 標燮用和

全校

救急部

凡解一切中毒以及誤吞金石虫蟄等證俱彙於此
部中以便檢閱救治

解救砒霜門主論

雷直君曰世人有服砒霜之毒五臟欲裂者腹必大痛舌必伸出眼必流血而死最可憐也急用瀉毒神丹飲之如立時大瀉則生否則死矣此砒毒已入於臟非可用羊血生甘草上吐能愈特又變下法救之飲之如不瀉此腸已斷矣又何救乎倘用之早未有不生者不可執吐法而無變通若初飲砒霜但飲甘草羊血立吐而愈如不吐速用瀉毒神丹瀉之則無不救矣

活人錄

凡中砒毒其證煩躁如狂心腹攪痛頭旋欲吐不吐
面色青黑四肢極冷者是

凡服砒人不可仰臥恐毒流四肢難治愈後須忌百

日烟酒姜椒煎炒

願體集

凡中信毒因氣惱自服者急用香油一碗灌之或吐
或下卽活若係酒調者難救其毒發散於週身也
陳遠公曰服砒毒疼欲死若不急救必腐腸胃吐紫
血而死蓋砒石乃天生之石不曾經火煨煉何毒
至此不知砒石生南岳之山鍾南山火毒又經火

氣則其性大熱有火毒加之大熱酷烈之至安得
不殺人哉性又善走砒石下喉必升降於腸胃之
上下往來數十次腸剝皮穿人乃死矣疼欲死者
正毒氣上下攻也毒藥之橫莫此爲甚治法必吐
出其毒然不能盡出其毒也必用解毒之味但初
下喉以羊血吐之亦有能生之者食久入胃則無
益矣宜用救死丹久暫皆可救用生甘草一兩元
參二兩地榆五錢瓜蒂七箇水煎下喉卽吐煮渣
服之又吐砒毒全解矣

甘草解毒得瓜蒂必上涌而吐砒能上升故引之盡

出也然砒又下行得元參地榆解大腸之火毒砒
之大毒已從上而出走下者亦餘毒耳得二味解
之則上下共相解紛毒又何能施其燥烈哉况元
榆俱潤中解毒所以能制毒也此方十可活八若
不吐者此腸胃已壞不可救矣非方不效也倘藥
不及煎於飯鍋中煮灌之庶不至因循失救也

解救砒霜門三方

解信毒法 願體集

速取梁上燕子窠用井水三四大碗放水桶內將手多攪調之用夏布手巾如榨腐法濾去泥葉取所攪之水連灌二三碗自吐不吐再灌吐盡方醒
初中砒毒 雷真君活人錄吐法

生甘草參兩急煎湯加羊血半碗和勻飲之立吐
卽愈飲之不吐速用下法

瀉毒神丹 雷真君活人錄下法

當歸 三兩

大黃 一兩

白礬 一兩

生甘草 五錢

水煎湯數碗飲之立時大瀉則生否則死矣

又方

黑鉛一兩磨水灌之

凡中砒霜一切毒藥垂死者

急用上號潔白糖靛花淡荳豉甘草各等分研勻

冷水調灌卽甦

又方

無名異

即漆匠用者

和生雞蛋清攪勻服之

又方

陳壁土攪水灌之

又方

急飲人溺及人糞汁或金汁灌之

又方

虎耳草葉洗淨搗汁攪冷水灌之

又方

牙痛不拘多少研末冷水調下

又方

生鴨血灌之

又方

小薊根搗汁灌之

又方

大黃明礬研末新汲水調灌之得吐利卽解
誤中砒毒橫身紫紫百解不效此名砒霜纍瘡

黃土地上挖一斗大坑以井水滿之攪令渾濁以
一碗與之少刻又與之待渾身紫紫俱散一吐卽

甦雖冬月間亦宜用此法必效

解砒霜及一切草藥六畜肉中毒

白花扁豆經過霜者生收晒乾研末用新汲水調服三錢

又方

直棗豆粉

黃土 各四兩

研極細用生雞蛋清九個共一處以浸棗豆冷水和稀服之即解若有黑羊血再灌碗許更妙

又方

天竺葉煎服如無取根搗汁煎服亦可

又方

明礬三錢研末冷水攪勻送下一吐卽愈

又方未盡用萊豆甘草夏枯草煎湯冷服

生漆搗子瓦上煉存性研末滾湯沖服五分

救誤服蒙汗藥門主論

蒙汗藥大約用天仙子爲君加入狐心等物雖不殺人然令人迷而不醒山東村店多乘心迷以取財物醒來全不記憶恍惚不能辨別所以道途誤服蒙汗藥以致頭重足輕口吐涎沫目矇不言此迷心之故也雖不殺人久迷不醒亦可畏人以涼水解之亦能少甦但涼水入心水停心下倘虛人必變他症

或曰此症必是痰迷心竅宜以生姜開之投以姜汁

乎殊不知藥中天仙子居多得美則愈迷其心矣
故不可用也

解誤服蒙汗藥門主方

止迷湯

白茯苓 五錢

生甘草 三錢

瓜蒂 七個

陳皮 五分

水煎服卽大吐而醒其從前事斷不遺忘不似涼水之解如醉如癡也

又方

飲冷水卽安

救飲鳩酒毒門主論

凡飲鳩酒白眼朝天身發寒戰忽忽不知大醉之狀
心中明白但不能言至目閉卽死夫鳩毒乃鳩鳥
之糞非鳩之羽毛亦非鶴頂紅也鳩羽與鶴頂紅
皆不能殺人不遇生病惟鳩糞則毒此鳥出異國
異國人恐言鳥糞則人必賤之故但言鳩以貴重
之也此鳥非蛇蝎不食故毒甚於孔雀之糞孔雀
糞冲酒飲有死有死者而飲鳩則無不死也益
鳩毒性熱功緩善閉人氣所以不能言發寒戰者

心中熱毒心脉通目大皆心熱則目必上視目閉
而死者心絕目乃閉也幸其緩可施救 鳩音遲

救飲鳩酒毒門主方

消鳩

金銀花

八兩煎取
汁二碗入

白礬

寒水石

天花粉

各三錢

石菖蒲 二錢

麥冬 五錢

全煎灌之一時後目不上視口即能言矣再照

方減半煎湯二劑全愈

救誤服銀硝門主方

驗方

濃煎烏梅湯灌之即解

又方

黃泥水服兩茶鍾即解

救誤服水銀門主方

驗方

揀開口花椒二兩吞下卽裹水銀從大便出

救誤吞五金門主方

誤吞金銀銅鐵錫

蠶豆炒研末砂糖調服其物從大便出

又方

猪板油全青菜煮食自出

吞金

丹方

羊脛骨燒焦研末參錢米飲調下從大便出

吞鐵物

丹方

栗樹炭二塊將鐵錘搗極細砂糖和細丸米飲送

易醫大全

卷三十九

誤吞五金方

三

顧氏秘書

下三錢立出

吞銅錢

羊脛灰煮粥食之

吞銅錢或銅

多嚼生葶藶食之自化

吞金

紅棗煮爛不時食之金從大便自出

吞金銀銅錫

先飲生鴨血杯許再多食炒蠶豈不切熟韭菜其

物卽從大便裏出

吞鐵

艾蒿一把剉以水五升煮取一升頓服卽下

吞錢在喉不出

麩炭末指彈入喉中其兒當卽咯出

吞釘及箭金針鐵

多食肥羊肉及諸肥肉自裏出

吞金環及釵

飴糖一觔一頓漸漸食盡多食之環及釵便出

知是服金屑死而未絕者

水銀一兩灌口中搖動令下咽喉入腹金卽消滅
成泥而出

解金銀銅鐵毒

鴨屎汁解之

一人以銅條兩個作戲法由鼻孔進而從口出忽一
日銅條滑入腦中奇癢難忍無法可救黃公曰尔
磕我三百個頭我當救尔其价卽連磕其頭叩未
百餘其銅條從鼻出此亦聰明人慧心智囊耳

吞錢

桑柴燒灰研末米飲調服二錢

又方

菘豆粉冷水調服三錢

又方

多服飴糖

誤吞金銀銅鐵

砂糖同砂仁煎濃湯多服自下

救誤吞針門主方

吞針入腹

蠶豆煮熟同生韭菜食之針從大便而出

又方

櫟炭末井水調服三錢

又方

蝦蟇眼睛一對冷水送下針穿眼內而出

冬月無蝦蟇在

桑根下尋

又方

黑砂糖和黃泥爲丸吞下泥卽裹針在大便中出
誤吞針刺咽中痛者

亂麻筋一團搓龍眼大以線穿繫留線頭在外以
湯浸濕急吞下咽頃刻扯出其針必刺於麻中而
出如一回不中節再吞再扯

又方

雄磁石研末水丸如櫻桃大吞下卽服通利之藥
針從大便而出

針入咽喉無藥可施

癩蝦蟇數個將頭剝去倒垂流血以醃接之得一
盃許灌入喉中移時連針吐出針自軟曲

又方

舊茗籬煨存性研末每服三錢酒調服亦能化鐵

又方

將半生半熟出芽蠶豆搗爛以韭汁爲丸吞下

又方

磁石如棗核大吞之其鍼立出

又方

磁石研細將苜蓿和擦如針木小涼水下數針從
大便出

誤吞諸木竹釵門主方

驗方

取剪刀故鋸燒赤入漬酒中以女人大指甲二枚
燒存性研末和服

吞桃枝竹杖

但口中數數多食白糖自消去

木屑噎喉

鐵斧磨汁灌之

竹絲鯁



不拘黑白芝蔴炒熟泡湯飲再以乾芝蔴嚼服幾
口或以生芝蔴搗爛嚼食

救誤吞磁鋒門主方

驗方

生紅蘿蔔搗爛吞下其磁鋒卽從大便而出

解悞服銀粉門主論

凡服鉛粉者非婦女角口憤不欲生冀其鉛能墜腸
而頰更有婦女打胎服之不惟不效每致求生不
得欲死不能且生子多癡呆身體發瘡毒更有因
服銀粉鑽筋入骨老來遍身筋骨疼痛無法可療
此故自取之也深可憫焉特立此門救之

新增

其免證面色呈青腹中墜痛欲死者是

解誤服銀粉門主方

驗方

蘇油

黃蠶

紅砂糖

攪勻服之

又方

多食生薑即解

又方

香油灌之即解

又方

急搗蘿蔔汁飲之

解誤服銀硃騰黃門主方

驗方

藜菜水溫服卽解

驗中蠱毒門主論

令病人朝取井華水唾水中唾如柱直下沉者是蠱也浮者非蠱也 三因

中蠱者大便黑如漆或堅或薄或微赤者是蠱也 千金

孫真人曰凡中蠱毒嚼白礬不瀉而味反甘嚼生黑豆不腥者是

若含甘草而不吐者非蠱也 微今錄

遜齋閑覽云海南魚有石首蓋魚枕也取其石爲器可盛飲食如遇蠱毒器必裂其效甚著閩人製作

最精人但玩其色而鮮有識其用者

又曰唾津在淨水中沉卽是浮則非

又曰口含大豆中蠱者豈卽脹而皮脫無蠱者豆雖
脹皮不脫

又曰煮雞蛋一枚去殼以銀簪一隻插入蛋中併含
入口內一飲之頃取視簪卵俱黑卽爲中蠱

訣曰脉緊數如釵股弦直而吐甚者卽中蠱也急治
之

又曰脉洪大者生微細者死

陳遠公曰有遊兩粵與女人交好或與男子成讐下
蠱於飲食之中食之則兩目漸黃飲食倦怠一年
三載無藥解之必致暴亡世傳造蠱土人各將毒
虫與蛇蝎等物共投缸內彼此相食食完止存一
物不死者取爲蠱母此訛傳也蓋彼地別有蠱藥
乃天生之毒也土人治此症有方可解大約用礬
石化蠱恐外人知之故秘不言礬石消痰又善化
堅蠱積腹中內必堅硬而外以痰包之所以一物
二用奏功頗神惟人身柔弱者多強健者少而蠱

結胸腹間必正氣大虛倘用礬石不更虛其虛乎
必於補氣血之中加消痰化蠱之味有益無損始
稱萬全也宜破蠱全生湯

解中蠱毒門主方

治中蠱毒

濃煎石榴皮汁飲之使吐惡毒

又方

熱茶化膽礬半分服之令吐

又方

米飲調鬱金末三錢服之

又方 徵今鐸

先取炙甘草一寸嚼之嚥汁若中毒隨即吐出仍

以炙甘草三兩生薑四兩水六升煮二升日三服
若嚼甘草不吐則非蠱也

又方 范石湖文集

昔李燾爲雷州推官得治蠱方毒在上用升麻吐
之毒在腹用爵金下之或合二味服之不吐則瀉
活人甚多

破蠱全生湯

人參

當

歸各一兩

白礬

生甘草

半

夏各三錢

白茯苓

五錢

水煎服

易醫大全

卷三十九

解中惡毒方

三

顧氏秘傳

解中斷腸草毒門主論

人有服斷腸草者初則胸中隱隱作痛久則氣不能
通及至腹痛二便俱不能出而死此草卽鉤吻也
至陰之物狀似黃精葉如毛鉤子二個此草喜閉
氣尤使血不行氣血閉塞故爾人死非腸斷也閩
廣間多生此草婦女小忿往往短見食之覓死如
飴以其不大苦楚也有用羊血灌之得吐則生然
亦有不吐者往往不救此草殺人甚緩用解毒通
利之味無不生者不似砒之酷也宜通腸解毒湯

水鑑

解中斷腸草毒門主方

誤中斷腸草卽珍珠蘭之類又名水莽藤毒

生雞蛋三四個打開灌之

又方

黑豆一杯研
生甘草五錢

煎濃汁服之登時卽解

又方

白礬化水解之

又方

熱羊血灌碗許以吐盡惡物自甦

又方

冬青樹葉冷水搗汁服下卽解

又方

雞抱雛卵劈開以清油調勻灌之

通腸解毒湯

金銀花

生甘草

各一兩

大

黃

一錢

水煎服一瀉而愈

救中藥毒門主論

凡中草烏川烏天雄附子毒則心煩躁悶甚則頭岑岑然遍身皆黑必死 入門

凡服藥過多生出毒病頭腫如斗唇裂流血或心口飽悶或膈腹撮痛皆中藥毒也

脉訣曰人中百藥毒傷其脉洪大者生微細者死又曰洪大而遲者生微細而數者死

凡解藥毒湯劑不可熱服宜涼飲之蓋毒得熱則勢愈盛也然此特以中熱毒爲言耳若解木鱉菌蕈

黃連石膏之類而中陰毒者豈仍避熱而猶堪以
寒飲乎

救中藥毒門主方

凡中相反藥毒面青脉絕腹脹吐血

蠶退紙

即出過蠶的紙

燒灰研一錢冷水調服雖危可活

中草烏川烏天雄附子毒

入門

煎菜豆黑豆汁冷服之

黑豆即馬料豆

又方

甘草黑豆濃煎飲汁

又方

防風甘草湯冷飲之入口即定

川椒毒戟人咽喉氣閉欲絕 入門

喫大棗三枚解之

多服犀角則令人煩 入門

麝香一字調水飲之

解百藥毒

菘豆研開甘草全煎服

誤服巴豆口渴面赤五心煩熱泄不止者

川黃連一錢煎服立解

又方

石菖蒲汁立解

又方

小豆汁立解

又方

薑汁立解

又方

大豆汁立解

皂礬毒

急取麵糊一鉢服之

附子天雄斑毛毒

单用馬料豆煎汁服

凡敷搽藥內有砒霜患處作痛或腐潰者

用濕泥頻塗換之若毒氣入腹胸膈苦楚或作吐
瀉冷飲米醋一二杯卽止多亦不妨生菜豆末蘇
油調服亦可

敷貼雄黃藥悶亂或吐瀉

防已煎湯解之

服川烏草烏等藥悶亂流涎或昏憤嘔吐或吐血下

血

大黑豆遠志肉防風甘草任用一味煎湯解之大
凡服風藥過多皆宜用之如不應急用生姜汁甘
草解之

敷貼巴豆患處作痛肌肉潰爛

生黃連爲末水調敷之卽解 若毒入內吐瀉等
症更以水調服一二錢或大小豆萹蒲汁皆可

敷貼藜蘆毒入內

煎葱湯解之

解諸藥毒

生薑汁灌之

又方

薺菜汁解之

又方

白扁豆汁解之

又方

錫糖汁解之

又方

米糖汁解之

解一切藥草中毒

濃煎甘草飲之無不生也又食少蜜更佳

解服鹽滷門主論

服鹽滷者口鹹作渴腹痛身蹇足縮而死夫鹽能補
腎何便殺人不知鹽滷味苦苦先入心心遇鹽滷
氣滯不通滷見心不受乃犯於腎腎見味苦又不
受遂往來心腎之間心腎之氣交相淳而滷流入
於腸則不可救矣夫大小腸最惡鹽滷入之必縮
小其腸而成結結則氣不通安得不蹇曲而死乎
治法以甘草湯解之

解服鹽瀉門主方

驗方

急搗肥皂汁和水灌之卽吐如吐未盡用熱豆腐
漿灌之卽吐腐形如不吐以鷲翎絞喉數次必吐
甘草湯

生甘草 三兩

煎湯救之如瀉未久加淡豆豉一兩全煎服之
腸潤未必皆死要在活用之耳

又方

冷荳腐漿灌之

又方

抹桌布瀝水灌之

又方

皂角水冷服

中飲食毒門三論

書云善解毒者無如火蓋火能革物之性

陳遠公曰誤食漏脯以致胸膈滿飽上吐下瀉腸如
刀割痛瀉不止而有死者夫漏脯乃隔宿之肉爲
屋漏水滴入而名之也似無大害何以殺人此言
歲久之屋梁塵甚多屋上必有蛇蝎行走塵灰倒
掛蛛網結成無非毒物天雨之水順流而下凡毒
氣得水則化然化於水中也水入肉內毒將何往
自然結於肉中而不化食之安得不變生不測哉

亦有食而不死又何故此必非歲久之屋未經毒
物故也雖不死而病必不免所以爲太上所戒急
用解毒之藥自可得生

中飲食毒門主方

凡一切飲食毒

用麻油一二杯飲之得吐毒即解

化漏湯

大黃

山查

厚朴

各三錢

白芷

麥芽

各二錢

生甘草

五錢

水煎服

解百般飲食毒

粉甘草

生用二兩

漿

豈

一升

水煎頻服

解燒酒毒門主論

人有恣飲燒酒大醉而死必身腐爛臭穢夫酒爲大熱之物純陽無陰尤爲至熱多飲過度力不能勝一時醉倒而熱性發作腐爛腸胃其人已入醉鄉不知生死用井水潑撲其心胸解開頭髮浸頭於冷水中候溫卽換凉水後用解炎化酒湯主之

又曰錫壺盛燒酒過夜有毒飲之傷人

又曰鱧魚浸燒酒內卽成泥

解燒酒毒門三方

凡過飲燒酒人事昏沉

將醉人放板門上矮橈架住頭低脚高將頭髮打散以盆乘水入生研菜豆於水內隨將頭髮浸水盆內如水一溫卽另換一盆浸至酒散人事清白方止仍用大片熱豆腐鋪胸前豆腐蒸變拔出酒毒又換熱豆腐貼之自活醒後宜喫菜豆湯

又方

葛花濃煎汁或葛根湯灌之

又方

一枳椇子搗研煎湯解

又方

甘蔗削去皮搗汁飲乾嘔自止

又方

白蘿蔔汁灌之並救受狼烟煤炭毒

又方

熱尿灌之

又方

鍋蓋上氣汗水數鍾徐徐灌之

解炎化酒湯

人

參

一兩如無以黃芪二兩代之

柞木枝

二兩

白茯苓

五錢

黃連

寒水石

各三錢

石菖蒲

一錢

水煎一碗待冷灌之得入口即活此方以柞木

解酒毒黃連寒水石解火毒菖蒲引入心中茯

苓分消酒食之氣用人參者所以固真氣使不

傷酒而散蓋火酒係氣酒也熱極則氣易散固

真氣則火可瀉毒可解氣不脫也

解中煤炭毒門主方

中煤炭毒一時悶倒不救殺人

言瑤方

急以新汲清水灌之

中煤毒昏暈惡心跌倒急移在風涼處

鹹菜水灌之

解中閉口椒毒門主方

閉口椒食之令人身冷吐白沫欲絕

金匱方

地漿水飲之即解

解悞食桐油毒門主方

桐油入咽令人發吐不止

秘方

急飲熱酒卽解

救誤吞田螺門主方

誤吞田螺鯁喉不下死在須臾

活鴨以水灌於鴨子喉中少頃將鴨倒懸令鴨吐
出涎水與患者服之其螺自化

救誤吞桃李門三方

誤吞桃李不下

狗骨煮汁摩頭上卽下

又方

以少許水灌小兒頭承其水與飲卽出

救誤食猪骨門主方

驗方

象牙刮末浮於新汲水上吸之卽下

救誤吞雞骨門主方

驗方

隔年灶糖食之自化

又方

香油煎滾溫服卽下

救誤中猪肉毒門主方

驗方

猪牙燒爲末一錢開水調服

誤吞頭髮門主方

吞髮繞喉不出

自己亂髮燒灰開水調服一錢

救誤吞蜈蚣門主方

驗方

急吞生雞蛋二枚不可嚼次日卽裹出

蜈蚣誤入咽喉中咬之垂死

生公雞熱血灌入喉中蜈蚣卽出

人喉中似有物行動吐痰則痛更甚身上皮膚開裂
有水流出口紅腫而又不痛足如斗腫而又可行
真絕世莫辯之症此乃人食生菜有蜈蚣在葉上
不知而食之乃生蜈蚣於胃口之上入胃則胃痛

上喉則喉痛饑則痛更甚也方用鷄一隻煮熟五
香調治芬馥之氣逼人乘人睡熟將雞列在病人
口邊則蜈蚣自然外走倘有蜈蚣走出立時拿住
不可讓其仍進口中或一條或數條出盡自愈大
約喉間無物走動則無蜈蚣矣然後用全膚湯茯
苓三兩黃芪當歸薏仁各一兩白芍五錢生甘草
三錢荆芥陳皮各一錢防風五分水煎服十劑則
皮膚之裂自愈而雙足如斗亦消矣蓋蜈蚣在上
焦非藥食能殺因藥下喉卽至胃中而蜈蚣却在

胃口之上故不能殺之也所以引其外出然後以藥調治其氣血自愈皮膚開裂者乃蜈蚣毒氣盤踞肺邊肺主皮毛故皮膚開裂足如斗者足乃腎之部位肺居上爲腎之母母病則子亦病然腎水終是不乏而毒氣留於腎部故足之皮大而浮非骨之病也所以能走也眼屬肝肝受肺氣之毒薰蒸故紅腫也

秘錄

救誤吞螞蝗門主論

芹菜內螞蝗極多摘洗不淨每每誤食下咽肚腹作痛

或云螞蝗煨灰研細散於木碗內露一宿卽變細螞蝗何況誤吞活螞蝗乎

螞蝗一名水蛭以火焙爲灰見水復活惟土井及藏芹菜根內小如米麥人所難防誤食必害人若知此物在腹但以芝蔴油潤肛門虫聞香盡出可無害矣

救誤吞螞蝗門主方

驗方

木田泥爲丸如桐子大每服二三錢用水送下螞蝗卽隨泥解出空心服之更效

又方

蜜糖一杯和水服之

又方

空心飲地漿水少許自下

誤中蛇虺百虫毒門主方

驗方

雄黃 一錢

巴

荳

去油

乾

姜

五分

麝香 一分

共研細開水調服

解中蜈蚣毒門主方


驗方

桑汁或桑根桑葉煎湯服

解中蜘蛛毒門主方

驗方

藍青汁服之



卷二十九

解中蚯蚓毒門三方

凡中蚯蚓毒者形如大痲瘋眉鬚脫落

石灰泡熱水候冷浸良久卽愈

小兒受之

鹽湯溫洗或鴨血塗之

解中瘟牛肉毒門主論

人有食牛肉一時心疼不能吐瀉此毒結心胃不
升不降也亦宜用吐如吐之不效當用消肉化毒
丹夫牛肉無毒本補精血之物何以毒至於此必
牛犬抱病將死又加縛束以激動怒氣毒結於皮
肉之間適當其處人誤食之故食之生病重至暴
亡也

凡中馬犬河豚魚蟹毒者心下必堅硬或腹脹口渴
忽發熱妄語者是

解中瘟牛肉毒門主方

凡誤食瘟牛肉口吐白沫不醒人事

早稻草煎湯灌之立醒

又方

烏桕樹根皮酒煎全熱酒服

又方

菊花連根搗汁全熱酒服

消肉化毒丹

山查

神曲

大黃

雷 丸 各 三 錢
枳 殼
厚 樸 各 一 錢

水煎服

解中馬肉毒門主方

驗方

蘆根搗汁一碗飲之或者煮汁服並煎湯洗浴

解中犬馬肉毒門主方

犬馬肉毒

杏仁去皮四兩研以百沸湯和仁絞汁作三服喫
卽解

又方

急喫冷粥一碗頃刻毒解思食

犬馬河魴諸魚蟹毒心下堅硬或腹脹口渴發熱譫

語梅師方

蘆根煮汁服立解

中六畜肉毒

水煎壻上黃土二錢飲之卽解

食自死六畜諸肉中毒

搗黃栢末以水和方寸七服未愈再服

解中河鮪毒門主論

人有愛食河鮪以至血毒中人舌麻心悶重者腹脹
而氣難舒口開而聲不出若久延則害人夫河鮪
水族也有食之死有食之無事者何也乃人之腸
胃有宜有不宜耳大約肝經血燥胃氣又弱者多
能中毒蓋河鮪乃魚中善怒者也食之自能動氣
况肝血本燥之人肝氣自急以急濟急安得不增
急暴之氣哉氣急難舒故心悶也氣急聲難出故
舌麻也治當吐出其肉則氣舒腹寬聲出何有舌

麻心悶之害乎古有拚死喫河鮑之語其實河鮑不能殺人但性怒不甚相宜耳宜瓜蒂散加味治之

又曰河鮑魚血令人麻子能令人脹眼睛令人昏凡食之者必須洗盡血去其子其眼庶無害也

又曰河鮑魚第一宜洗淨血水第二防有灰塵落在鍋內所以炒河鮑賣者多在露天上免灰塵落在鍋內也

又曰以蘆筍全魚則解毒矣

解中河鮑毒門主方

驗方

槐花煎濃汁服之卽解

又方

橄欖煎湯服

又方

急飲人糞汁

中河鮑子毒

急取臘鵝煮食卽不服矣

河鮑菌毒

錢氏

多服金汁即解如難得即於乾地上挖一潭用水和泥漿稍定服水一二碗即解

又方

香油灌之吐出毒物即愈

又方

磨紫金錠服

加味瓜蒂散

白茅根

蘆根

各一兩

瓜蒂

一兩

水煎汁服必大吐吐後必愈

救食魚中毒門主方

驗方

煎冬瓜仁汁飲之

又方

煮橘皮湯停冷飲之

解黃鱔魚毒門王方

驗方 簡便

食此犯荆芥能害人急服地漿解之

解誤食毒蟹毒門主方

驗方

家紫蘇汁或乾紫蘇煎湯即解

又方

薑汁服

又方

冬瓜汁服

又方

黑豆汁煎服

又方

蒜汁服

又方

靛青汁或小藍汁服

又方

薤汁飲之

解中蠶毒門主論

有食蠶腹痛欲死手足發青而亡者夫蠶雖介屬本
無大毒然蠶類多屬化生有蛇化有龜化有魚化
者龜魚所化皆益人惟蛇化最毒其腹下必隱隱
蛇皮之狀其色大紅必不可食食必殺人腹大痛
者乃毒氣攻腸也不必解蠶之毒仍當解蛇之毒

解中驚毒門主方

悞將驚肉同莧菜喫成驚腹脹

速飲白馬尿一碗即化

中驚毒

白芷 雄黃 各三錢 丹砂

山查 枳實 各一錢 白茯苓 五錢

水煎服一劑痛止二劑毒出矣

又方

飲藍汁數碗或靛青水亦效

又方

鹽汁飲

解中野菌地蕈靈芝毒門主論

陳遠公曰人誤食竹蕈或吞樹菌以致心疼胸脹腸
瀉腹痛而死夫蕈亦芝草之類生於莎葉朽木所
謂臭腐出神奇何以毒種於中乎殊不知竹根樹
柯而生蕈菌者以土之濕熱也濕熱之下必聚蛇
蝎惡虫其氣上騰而蕈菌得氣易於生發故較他
產更肥其味極美而其質實毒也解菌湯救之

解中野菌地蕈靈芝毒門主方

驗方

黃泥漿灌之即解

地漿能解百毒真神方也

又方

橄欖搗為泥食之即解

又方

金汁解

又方

紫金錠磨服即解

又方

菜豆研生甘草煎濃汁飲卽解

解茵湯

生甘草 二兩

白芷 三錢

水煎服以鵝翎探喉必盡吐而愈如已入腸探引不吐亦必腹疼下瀉可保生全

解豆腐毒門主方

驗方

蘿蔔湯飲之即解

解麴毒門主方

驗方

多食生蘿蔔卽解

解中白菓毒門主方

凡中白菓毒驟然一聲卽暈去儼如驚狀者是

白熬頭煎湯灌三四次卽甦

又方

麝香一分煎湯服

解誤服輕粉門主方

誤服輕粉筋骨疼痛

川椒去目 每日清晨白湯不拘多少吞之

卷之九 誤服輕粉方

救六畜瘟疫法

立救丹

白礪砂

白附子

高良薑

猪牙皂

各一錢

雄

黃五分

火

硝二分

麝香

一分

共乳極細末

凡牛馬驢用三分猪羊只用一

分俱吹左鼻孔內再點眼角避風立效

癩犬欲死

用蜈蚣三條研末入飯與癩犬食之數日立愈

解中櫻桃毒門主方

驗方

甘蔗汁解之